

۲ شوال سنه ۱۳۳۶

پنجشنبه

۱۱ تموز سنه ۱۳۳۴

صاحب امتیاز و مدیر مسئول حسن کاظم

ملت عثمانیه - امت اسلامیہ ایچون مفید اولان آمار
صحیفه لر منر آچیقدر درج ایدلمان اوراق اعاده ایدلر.

مطبعه و اداره خانه سی: استانبول باب عالی جوارنده
ابوالسعود جاده سی نومرو ۷۵ اصحاب مراجعانه
هر ساعت آچیقدر

چریک لایحه و فیه

شمه یلک هفته ده بر نشر اولنور

سر محرری: مصطفی فوزی

تاریخ تاسیسی ۱۳۲۷ سنه هجری
سنه ۱ اعتبار یله ممالک شاهانه ایچون پشه
اوله رق ۸۰ آلتی آبلنی ۴۰ فروش
وممالک اجنبیه ایچون ۲۰ فرانقدر

نسخه سی ۶۰ پاره دن

تصوفی، دینی، اخلاقی، ادبی، سیاسی چریک لایحه و فیه در

نومرو ۱۴۵

حق تهمینه علی بزمندہ قالمش بر کوزل
 کوردیکیزی عین حق، عین محمد یاز هو
 « کلهها » ایماسنه واقف بر ار وار شهبه سر
 « ای جاعل فی الارض » بوکفتار هو
 فانی کتر سنی بیلک، سنی کورمک دبلر
 واصل یار ایت بنی ای حیدر کرار هو
 بوی آباد : قائمقامی رشید فانی

استعین بالله « وان لیس للإنسان الا ماسی »

آیت کریمه سندن مقتبس

« چالیشمق »

اوز توریکه اوچولو سوز [*]

تا کری سومن، سوکی ایله چالیشمایان کیشی بی
 قولار سومن، چالیشمه یه آلیشمایان کیشی بی
 چالیشمقدیر بو دیرلکک، بودوزمه نک ایشینی
 چالیشمه یه آلیشمقدیر قوروتمایان قاشینی

بر بافکنز یرلر کوکلر دوماز دوزر چالیشیر
 صایدی یوق ییلدیزلرک، یانار سوز چالیشیر
 آیه کونش دوغارباتار، کوندوزکیجه باشلانیر
 آیلر کونلر کچر کیدر، کیشی بویور باشلانیر
 کوچوک چوجوق بشیکندن ایش بوردینه آتیلیر
 کوچل اولور، ایشجیلرک قطارینه قاتیلیر
 تا کری قوردمش بودوزمه نک هب بونلری یاراتمش
 دیرلرک آزیغنی چالیشمقدیر آراتمش

بویوریور بویله بزم، بوقدن یاراتان
 ای قولارم ا بزم سزه قازانچ بولی آراتان

بو بر دیرلک کو بریسیدر، هب برلکده ارقادین
 بوندن کچر، چالیشمایان طاعاز بوواریق دادین
 اوچوروملی، بک دهرین رقاراکاقدیر بودیرلک
 چالیشمادن بو دیرلکک کلر صوک اوچی برلک
 تیللکک آچیدی بک چیرکین اولور صوکنده
 تیللرک هب بولونور پس برلکک طوننده

تیللرک کوده لری باقمه شیشیر، سه میر
 بوزه کینی بر اود باقار ییقار، صانکه کد میر

[*] وزن ملی اوزینه بارمق حسابیله یازلمشد: « اون بش
 صابی در . درت درت دوت اوچ تقسیم اولنور . « فانی توریکه
 کلهلر قوللا ییلمشدر . تک بر عربی وفارسی کله یوقدر .

تیللرک بوزلرنده ایشیق یوقدر، صوانوندر
 تیلل کیشی، ایشسزلکک کو جسزلکک بورغوندر
 اولو کبی دورمق بزم یاقیشیری صاغلقده
 چالیشلم طابانجه من یاربیلداسین یاغلقده

بزم باغلی بو یرلرک بو یوردلرک هر ایشی
 اوز اوغلیدر، یرین یوردین اسیرکین اوز کیشی

هب ازلره دیشیلره چالیشمه نک بولی وار
 بیل کنیدی، هر کیدیشک صالی واردر، صولی وار

بیلکی کرک هر برایشی باشارمه نک اوکجه
 هر ایشکی اینجه آله دوشوک بطاشک سن اوکجه

ایلاک دوشونوش اولماسه ییدی بجه ریکلک اولمازدی
 یولسزایشدن، بوش قالیردی دولوقا بلردولمازدی
 چیچک دیرمک ایسترایسه ک باغچه چککک صولارسک
 آک بجه سک، اکزایسه ک صوکر اصاچک بولارسک

بال آریسی بقیشمز می سکا او رنگ دیرلکده
 سن دولاشمه او، بوش کزدهن آریلرله برلکده

کوجی قدر چالیشیور، بوش دورما یور قارینجه
 بیلان کبی آغو یومه، اولوم قارنک یارینجه

بارین تا کری صورار سکا قازانچکدن ایشکدن
 هانکی یولدن قازانیش کچن آزیق دیشکدن

بیله ره کدن یامه صاقین کوتو برایش اشمک
 باشقه سنک برایکنه سی یاپچماسین پشک

سکا ائی کلن ایشی، آیه یامق بو بوکک
 ایل آلتدن قامق قانی کوتوبرایش، کوچوکک

تا کری سکادوشونجه بی ویرمش، بو بولک دو یغولک وار
 البته که هر برایشه کلن بریول او یغون وار

بر اولچکدر بودو یغولر ایش باشنده آل آله
 هر ایشی طارت بو اولچککه، بواجیه لکدن آله

بن برتورکم، تورک دیبله یازیورم او کودی
 ائی کوزده، هب آلدانیر الما صانان سو کودی

مغنیسا

شیخ : سری

— بر مهتلرب —

یاخود

بدر رمضان شهر غفران

ای خالق الارض والسموات !

ایسترمی کمال صفک اثبات

هر شارقه بر دلیل قدرت
هر بارقه بر مجسم آیت

سیر ایله شو لوح ماهتابی
آینه سیم سطح آبی

بر نور لطیف عالم آرا
بر عکس ضیای دیده پیرا

سیاره التماع بخشا
وجد آور روح بر تماشا

دریاده شو منظر شبانه :
و بر مزمی نشاط و نشوه جان

دیرکن قرک طلوعی منظور
دامان جیل کبیلدی بر نور

عکس ابتدی شعاعی سطح آیه
رشد ایلدی شمس ، ماهتابه

زا کددی دکرز سباده پک صاف
بونلر نه قدر دکرز اوصاف

آنفسده تجلیات مسعود
آفاقده التماع مشهود

طاغیر تپلر بوتون مناظر
اولمشدی منبر چشم ناظر

سیراب ضیا کورک سمایی
سیماب صفا سطوح مائی

بر ، کورک بوتون اولدی غرقه نور
کویا که جهان صفایه مسحور

بر لوح ایدی شاعرانه طلعت
بر شرح ایدی متنی عین حکمت

حکمت دینیلان بونقطه لردر
حیرت دیدیرن بونکته لردر

تصوره صیغارمی فیض مولی
تفسیر اولنورمی ذات اعلا

حقنده نه سوبلسه خطادر
(قدرت) اوصفات کبر یاد

آثار بشرده وار بدایت
استرار خداده یوق نهایت

یارب سنی بمنمدر ادراک
حیرته دها و عقل دارک

آیاتکی سیر ایدن کائنات
هر شئی کور بر آجیق دوماناس

روشنظران اهل عرفان
اکوانی کور بر ظلیل یزدان

ارباب عقول ، اهل اذعان
بر خالقه مطلق ایلر ایمان

البت یوقدر بدیع اثرلر
بر مبدئه افتقار ایدرلر

سندن بوضیا قرده سندن
سندن بو صفا ائرده سندن

سندن بو جمال عالم افروز
سندن بو جلال آدم اندوز

سندن بوسطور وحی مشحون
سندن بوسطور حیرت افزون

مهتاب ایدی مرصد بیانم
(الله) اولیوریدی قصد جانم

صاری یار : رجب وحی

عصر سعادتده عسکرلک

مابعد

رسول الله حضرتلرینک محارباتی ، مجارزیمی ایدی ، تدافعی ؟
منازی پیغمبرینک ایلکی (ودان) غزوه سی ایدی که ایکنجی سنه
هجریه صفری ایچنده ۷۰ مهاجردن عبارت برقوله مدینه دن چیقلمش ،
(ودان) ده نیلن موقعه قدر کیدیلندی . مقصد سفرده مکدن شامه
کیدن قریش کروانی اوروب یوکنی آلتی ایدی . فقط کروانه
یه تیشیله مده یکی جهنله اوچواردده بولونان و (بی ضمیره) ده نیلن
بر قبيله ايله معااهده بایلوب کری دونلادی .
واقعا سطحی بر نظره باقیلیرسه شو حرکت ، بر تجاوز کورونور ،
لکن مسئله تعمیق ایدیلنجه ایشک رنکی ده کیشیر . چونکه
علیه الصلوة والسلام افندیز ، بلکه ده خلقی دینه دعوتیه باشلابده
بعضلری اسلامه داخل اولونجه مشرکله سوق تعصبله مسانته
قالقشدیلر ، اهل اسلامک سرستی وجداننه مانع اولدیلر ، مسلمانلره
ایتمه دک اذا وجفا بیراقدیلر ، ایلاک مسلمانلردن (سمیه) خاتونی غدرآ
شهید ایتدیلر ، بوتون مسلمانلرک و طرفدارلری (شعبانی طالب) ده
اوج سنه محصور و آج بیراقدیلر ، النهایه ذات اقدس رسالتی
اولدورمک ایچین خانه سعادت محاصره یه آلدیلر . هجرت محمدیه
وقوعندن سوکراده اطرافده کی قبائلی قیشقیرتوب مدینه یه باصقین
یایمق و اورادکی مسلمینی کسروب طوغرامق املنده بولوندیلر [۱]
[۱] حتی بومناسیله هجرتک ایلاک سنه سی مدینه ده بر تحریر نفوس)
بایلمش و ۱۵۰۰ مسلمان بولوندی آ کلاشیلماشده .